

《金剛般若波羅蜜經導讀》 補充講表

◎附表十九：以下糅合《金剛經講義》

○希有世尊！佛說如是甚深經典，我從昔來所得慧眼，未曾得聞如是之經。

※《金剛經破空論》云：「此即同佛出現也。佛興於世，薄福難遇；此經亦然，預聞者少。

須菩提隨佛覺悟，於此正法，昔尚不聞，是故希有同於佛現」。

◆何云甚深經典？此經所說，是佛法根本義，是究竟了義，是大智大悲大願大行之中道第

一義，是第一義空之義，是令信解受持者成佛之義。且一言一字，含義無窮，其深無底，

故曰甚深。以第一離欲阿羅漢之慧眼而未曾聞，正明其甚深也。

○世尊！若復有人，得聞是經，信心清淨，則生實相，當知是人，成就第一希有功德。

◆得聞是經：含有不易得，何幸而得，不可錯過此一得之意。

◆清淨：即是無相。如前以不住六塵生心為生清淨心，正明住塵便是著相。

◆所謂無相者，非對有說無，乃絕對之無，即是有無等四句皆無，方是「無相」真詮。

◆何云信心清淨？謂由信此文字般若，起觀照般若，而得一心清淨也。故此信心清淨一句，雖只說一信字，而解行證並攝在內。若非觀慧，執情何遣？若非遣之又遣，至於絕對之無，信心何能清淨？所謂觀慧者，即是奉持金剛般若，離名字言說，不著一切微細廣大境界，并希望勝果，亦復不著，但驀直如法行去，一念不起。果能斷得一分虛妄相想，（即是生滅心，亦即是念。）清淨心便現一分。現得一分，便是證得一分法身，而登初住，轉凡成聖矣。從此加功至究竟覺，而後生滅滅已，寂滅現前，則自性清淨心圓滿顯現，名曰妙覺，亦名成佛，亦名入無餘涅槃。

◆又可見解行證三，皆信字之別名。換言之，便是所謂解行證非他，不過信心逐漸增長而光明，至於究竟堅固而圓滿耳。何以故？曰解，曰行，曰證，必信心具足，而後乃能解足行足證足故。

◆若其信心少欠，尚何能解、能行、能證之可說，故曰：信為道源功德母也。故前云信解行證，當圓融觀之，不能呆板，看作四槓也。故本經中開解、進修、成證三科，皆兼說及信也，此理不可不知。

◆實相是性體之別名。下文是實相者，即是非相，是故如來說名實相三句，即是自釋此義。何以性體名為實相，至下當說，今暫從略。

◆性是本具，無生不生。今言生者，現前之義，此與前文生清淨心意同。

◆向因在纏而不顯現，今奉持金剛般若，迷雲漸散，光明漸露，有如皓月初生，蓋無以名之，假名曰生。《大智度論》所謂無生生，是也。無生生者，無生而生也。論又云：諸法不生，而般若生。蓋謂若解得諸法不生，便是無生觀智現前，是為無生而生。

◆信心清淨，則生實相：信心清淨，便生實相。因其信成就，便心清淨。而清淨心，實相也，皆是本性。故信心清淨，便是實相現前也。此正顯其生即無生之義。

◆然則所謂證得者，可知亦是假名，實無所證，無所得也。不但此也。所謂信心清淨者，亦他人云然。是人心中初不自以為信成就，初不自以為心清淨。何以故？少有一絲影子在，便是法相，便是取著，便非諸法不生，尚得謂之信成就心清淨乎？

※《金剛經破空論》云：「此即希能信解也。聞慧清淨，登圓五品，名為得聞。思慧清淨，

垢落根淨，名信心清淨。修慧成就，分破分顯，名生實相；任運決至大菩提果，名為成就第一希有功德。」

○世尊！是實相者，即是非相，是故如來說名實相。（「非」：指示修功。名者，假名。）

※《彌陀要解》云：「要之，離一切相，即一切法。離故無相，即故無不相，不得已強名

實相。」

離一切相：《圓覺經》云：「知幻即離，不作方便」。「離」約真諦、真空說。

即一切法：《圓覺經》云：「離幻即覺，亦無漸次」。「即」約俗諦、妙有說。